

ORINASA HOLCIM

Manao andrana biriky vaovao tsy dorana sy tsy masahana

Manao andrana karazana biriky vaovao amin'izao fotoana ny orinasa mpamokatra simenitra eto amintsika Holcim. Amboarina eto amintsika manomboka amin'ity taona 2020 ity ny biriky fanaovana trano tsy mila masahana sy tsy mila dorana intsony ho fiarovana ny tontolo iainana. Biriky vita avy amin'ny tany sy simenitra mitambatra izy ity, ka izay no hanamafy azy.

Ho fiarovana ny tontolo iainana sy tsy hanimbana ireo tanim-bary intsony no antony nanombohana ity tetik'asa ity.

Efa manao fanandramana an'izany eny amin'ny Akamasoa Andralanitra, kaominina Ambohimangakely, distrikan' Antananarivo Avaradrano ankehitriny ny Holcim sy ny ao



Trano amboarina amin'ny biriky vita avy amin'ny tany sy simenitra.

amin'ny ministera misahana ny Tanàna Vaovao (Nouvelles villes et de l'habitat). Na eo aza ity

karazana biriky vaovao ity, mbola hafa ihany koa ny trano vita amin'ny biriky tanimanga nomasa-

hana ary mbola be mpampiasa aloha hatramin'izao eto amintsika.

Aly

Valanaretina coronavirus

Niampy 1 ny lavo omaly, 81 ny tranga vaovao, 44 no sitrana

Niampy iray ny olona lavon'ny coronavirus omaly teto Madagasikara, 198 arak'izany ny totalin'ny olona hafa ny ainy noho ity areti-mandoza ity teto amintsika hatramin'ny volana martsa no mankaty. 44 no sitrana: Analamanga 4 no sitrana, Vakankaratra 10, Bongolava 6, Atsinanana 1, Alaotra Mangoro 1, Ihorombe 2, Sofia 5, Diana 8, Atsimo Andrefana 1, Menabe 6. Ny tranga vaovao

dia 81 tamin'ireo 584 naovana fitiliana: Analamanga 50, Atsinanana 3, Alaotra Mangoro 1, Matsiatra Ambony 4, Sofia 3, Diana 10, Atsimo Andrefana 9, Androy 1. Ny marary mafy dia 46, izany hoe niampy 6 izy ireo omaly. Ny 01 namoy ny ainy dia teto Analamanga.

Niaina

Ny tarehi-marika avy eny amin'ny CCO covid 19 lavato omaly.

NOUVEAUX CAS				Nb. TESTS	
	HIER	CUMUL	DIFF	PCR	
GUERIS	14031	14075	+ 44	19 MARS 2020	59 956
EN TRAITEMENT	875	911	+ 36	GENEXPERT	6 121
FORMES GRAVES	40	46	+ 6	19 MARS 2020	15 187
DECES	197	198	+ 1	CONFIRMES	

Taratasin'ny mpamaky

Hevitra ampitaina amin'ny gazety Ny Valosoa Vaovao sy ny mpamaky azy ary izay mety iantefany izao manaraka izao : natao ihany ny tsy hiteny fa tena tsy haiko hoe mba misaina ve ity fitondrana ity. Mino mihitsy aho fa maro dia maro ireo orinasa vahiny tsy mandaoa hetra, na mety manao "paiement échelonné". Ny groupe TIKO anefa dia orinasa malagasy, ary io no orinasa malagasy voalohany nanana enver-gure industrielle afaka nifaninana tamin'ireo orinasa vahiny nanjakazaka teto: karana, frantsay... Fa misaina ve nareo mpitondra mamotika orinasa mala-

gasy toy izao eee????!!! Sady orinasa mamelona tokantrano aman'arivony. Tsy fanapotehina orinasa malagasy irery izao fa fanapotehina ny vahoaka malagasy ihany koa. Afaka atao échelonné ny fandoavana hetra na tadiavana vahaolana hafa. Ao anatin'ny crise en plus !!! Ny mpitondra vendrana ihany no tsy manana structure protectionniste sy plan d'appui ho an'ny orinasa eo amin'ny firenany.

Harivelo Ny Andry
Mpamaky gazety Ny Valosoa Vaovao

Mazotoa mikira

Noho ny fisian'ireo famoizan'aina tsy fidiny toy ny ni-seho tany Farafangana sy ireo lavon'ny valan'aretina koronavirusy manerana ny nosy dia hira somary mampalahelo kanefa mampieritreritra ihany koa no atolotra anao, na izany aza tsy natao hampitanondrika fa natao hampitraka antsika mpamaky.



MIVALO AMINAO AHO RY TANY Solika

Mivalo aminao anie aho o ry tany
Henoinao kely ity fo mitomany
I neny malala efa lasa nankany
I dada tsy foy o avelao
Avelao eto ihany

Dada o aiza ny lalana hombanareo
Neny mba homba anareo ny sitrako izao
Aleoko maty manaraka anao
Toy izay velompoana mijaly toy izao
Dada o mivalo aminao
Neny henoinao ity feo mitomany
Fa mijaly aok'izany.

Mpihira: Solika
Mpamorona : Naka Rabemanantsoa

Sakafo My Valosoa



Henomby endasina na steak, lafihana lasary kôkômbra sy poivron indray no laoka amin'ny Sakafo eto amin'ny gazetinao androany. Dia mihinana finaritra tompoko.

NY VALOSOA sy Mahaso

Hoditr'ovy, fanafodin'ny volo mihintsana sy ny volo fotsy

Fanafodin'ny volo mihintsana sy volo fotsy ny hoditr'ovy, izay indray no Mahaso eto amin'ny gazetinao androany. Manan-karena vitamina C, pôtasîôma ary amidon ny ovy. Manampy amin'ny fanatsaharana ny fihintsanan'ny volo ary mampangirana ny volo koa anefa ny hodiny.

Akora ilaina: Hoditr'ovy 5 lehibe, rano 1 litatra. Fikarakarana azy: rehefa voasasa ilay ovy dia ataovy anaty vilany ny hodiny. Asio rano iray litatra ary avelao hangotraka. Rehefa izay dia ahenao ny afo (feu doux) dia avelao hangotraka eo foana mandritra ny 30 minitra mandra-pahazonao taharo marihitra. Tatavano avy eo rehefa mangatsiaka. Rehefa avy manasa loha ianao dia io rihatr'ovy io no ataonao sahala amin'ny après champooing. Ataovy indroa isan-kerinandro raha tia-nao ny hahazo vokatra haingana. Ho hitanao fa hihamainty ny volonao ary tsy hihintsana intsony.



NY VALOSOA sy Mahaliana

Ny tanànan'i Farahalana, any amin'ny distrikan'i Sambava, faritra Sava

Ny tanànan'i Farahalana, any amin'ny distrikan'i Sambava, faritra Sava indray no Mahaliana eto amin'ny gazetinao androany. Renivohitry ny kaominina Farahalana ity tanàna ity. Somary iva toerana izy satria 10 m eo ny haavony miohatra amin'ny ranomasina, lalovan'ny reniranon'i Farahalana izany tanàna izany, amin'ny lalampirenena mampitohy an'i Sambava sy Antalaha. Tanàna mpamokatra lavanila ity tanàna ity. Ankoatra ny fambolena, mpanjono ihany koa ny mpoina any an-toerana.

